

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY

**IZVJEŠTAJ O UTROŠKU SREDSTAVA I REALIZACIJI PROJEKTA
ZBRINJAVANJA PASA LUTALICA I NAPUŠTENIH PASA U URBANIM
SREDINAMA OPĆINE MAGLAJ ZA 2020. GODINU**

I Uvod

U skladu sa Zakonom o komunalnim djelatnostima (Sl.novine Ze-Do kantona broj 17/08) članom 3. definisana je djelatnost zajedničke komunalne potrošnje u koju spada obavljanje kafilerijskih usluga (poslovi stalnog i sigurnog uklanjanja životinja, pasa lotalica, lešina životinja, određenih nusproizvoda klanja, konfiskata i valioničkog otpada sa javnih površina).

Zakonom o zaštiti i dobrobiti životinja (Sl.novine BiH broj 25/09, član 27., 28. i 29.) definisana je odgovornost ljudi za zaštitu i dobrobit životinja u pogledu držanja, smještaja, ishrane i zaštite napuštenih i izgubljenih životinja.

Na sjednici Općinskog vijeća Maglaj, održanoj dana, 19.12.2019.godine, usvojen je Budžet/Proračun Općine Maglaj za 2020. godinu i na poziciji 613 328 planirana su sredstva u iznosu od 30.000,00 KM a naknadno, usvajanjem Odluke o izmjenama i dopunama Budžeta/Proračuna Općine Maglaj za 2020.godinu, na sjednici Općinskog vijeća dana, 21.05.2020.godine, broj: 02-04-1-110/20, planirana su sredstva u iznosu od 23.000,00 KM za usluge zbrinjavanja pasa lotalica.

U cilju prevencije širenja bjesnila i drugih zaraznih bolesti, zaštite napuštenih i izgubljenih pasa te sigurnosti i zaštite svojih građana, Općina Maglaj prihvatila se obaveze sufinansiranja Projekta zbrinjavanja pasa lotalica i napuštenih pasa u urbanim sredinama općine Maglaj za 2020.godinu.

II Realizacija projekta

Općina Maglaj je dana, 20.02.2020.godine potpisala Ugovor o sufinansiranju Projekta zbrinjavanja pasa lotalica i napuštenih pasa u urbanim sredinama općine Maglaj za 2020.godinu, broj: 05-45-1-343/20 sa Udruženjem građana "Pas" Tešanj, u cilju što kvalitetnijeg zbrinjavanja pasa lotalica i napuštenih pasa uz pomoć higijeničarske službe u formirano sklonište za pse, koje se nalazi na teritoriji općine Tešanj i koje ispunjava uslove određene Pravilnikom o osnivanju i uslovima koje moraju ispunjavati skloništa za životinje.

U protekloj godini higijeničarska služba Udruženja građana "Pas" Tešanj redovno je obilazila urbano područje općine Maglaj i odvozila uhvaćene pse lotalice i napuštene pse u sklonište za pse, najčešće na poziv službenog lica zaposlenog u Općini Maglaj a ponekad i samoinicijativno ili na poziv građana općine Maglaj.

Psi su se najčešće okupljali u čopore u blizini ugostiteljskih i stambenih objekata jer su tu nalazili ostatke hrane pored kontejnera jer su ih građani samoinicijativno hranili.

Uposlenici higijeničarske službe Udruženja građana "Pas" Tešanj vršili su aktivnosti predviđene Ugovorom 1-2 puta sedmično, ponekad i u noćnim satima, u zavisnosti od potrebe.

Broj pasa lotalica se stalno smanjivao i stanje je bilo zadovoljavajuće a u prilog tome ide i činjenica da u protekloj godini nismo imali prijavljene napade pasa lotalica na stanovništvo u urbanom području općine Maglaj.

U toku 2020. godine iz urbanog područja općine Maglaj odveženo je više od 100 pasa u sklonište za pse.

Ukupno je u toku 2020.godine Udruženju građana "Pas" Tešanj uplaćeno 23.000,00 KM i to u više tranši, kako je i bilo predviđeno Ugovorom.

Saradnja Općine Maglaj i Udruženja građana "Pas" Tešanj je bila zadovoljavajuća u protekloj godini.

Saradnja građana Maglaja sa Općinom Maglaj po pitanju prijave pasa lualica je takođe bila zadovoljavajuća i uglavnom su prijave rezultirale hvatanjem i odvozom pasa sa urbanog a ponekad i ruralnog područja grada u sklonište za pse.

Zajednički cilj nam je bio da se što više smanji broj pasa lualica i napuštenih pasa na području općine Maglaj, čime bi se povećala sigurnost stanovništva a naročito djece.

Obradivač-Jasmina Alić, ing.grad.
Kontrolor-Nedžad Čatić, dipl.ing.geodezije

Broj: 05-45-1-808/2021
Maglaj, 07.05.2021. godine



NAČELNIK OPĆINE
Mirsad Mahmutagić